

重脩浙江通志稿

第一百〇二冊
宗教

卷之四

重脩浙江通志稿

第百二冊 宗教

前浙江通志館稿
浙江圖書館謄錄

內部資料

丙 天台宗之教義

一、三諦圓融 三諦圓融為慧文慧思所傳慧文讀大智度論引大品云欲以道智具足道種智當學般若欲以道種智具足一切智當學般若欲以一切智具足一切種智當學般若欲以一切種智斷煩惱及習當學般若師以此文入修心觀論中三智實在一心中得且既一心中得因豈前後而獲故此觀成時証一心三觀双亡双照即入無生悉位又讀大智度論中觀一品至四諦品偈云因緣所生法我說即是空亦名為假名亦名中道義悅然悟頓了諸法無非因緣所生而此因緣有不定有空不定空空有不二名為中道師既一依釋論是知遠承龍樹也佛祖統記第六

蔣維喬解天台宗之三諦圓融曰圓融者宇宙一切現象自一方觀之則為平等自他方觀之則有差別平等曰空差別曰假此假與空在萬有之二方面畢竟不離以所觀不同而有空假之別言空則假在其中言假則空亦在其中不偏於假不偏於空是謂中道但天台圓教認定空假之外別無中道空也假也中也畢竟一體三即一一即三名曰三諦圓融中國佛敎史又空假中三諦亦稱真俗中三諦天台宗以諸法實相為中心法華經所謂諸法實相者有九種即相性體力作因緣果報是也大智度論括之為三法印謂諸行無常諸法無常諸

法無常涅槃寂靜三者易言之無常為空無我為假寂靜為中空不離假假不離中三諦互具圓融無礙推之三千諸法即空即假即中是曰三諦圓融黃檗華中

教史
(二)一心三觀 一心三觀謂心佛及眾生是三無差別同具三千諸法然佛法

太高眾生太廣與其遠擇高廣不如近觀己心一心即一念三觀即空假中中者乃非有非空之中道大智度論及法華經均言中道一乘之理一切皆空畢竟無有是名空觀法性常住宛然而有是名假觀空不定空假不定假是名中觀故曰一心三觀惟三論宗則別三諦為真俗三諦同上

(三)一念三千 智顗由一心三觀之義而創一念三千三十者包羅一切之謂台宗以動物為有情物其他為無情物有情無情皆由心造謂之五蘊故分世界為三部一曰國土世間乃非情物三曰眾生世間乃有情物三曰五蘊世間為心異物所構成此三世間具有十界 1. 地獄 2. 餓鬼 3. 畜生 4. 修羅 5. 人間 6. 天上 7. 聲聞 8. 緣覺 9. 菩薩 10. 佛 凡地獄餓鬼均可成佛謂之十界互具一界即十界十界即百界凡各界性與相合而為體由體生力量力量所生之結果為業發出曰因曰緣得之曰果曰報凡此種種皆具於各界之一念之所起推之十界則成千故曰一念三千 蕅益為中 國佛教史

(四)六即 天台宗表修証過程之階級有六名曰六即。1.理即者謂一切眾生皆具佛性故曰理即佛。2.名字即者於經卷中間見佛法名字中通達了解一切佛法故曰名字即佛。3.觀行即者既知名字乃起觀行行如所言言如所行故觀行即佛。4.相似即者已知三諦相似之解而不能破無明之惑即華嚴經所謂六根清淨位是故相似即佛。5.分証即者漸破無明之惑見佛性顯真如即初住位也故曰分証即佛。6.究竟即者斷四十二品無明發覺究竟圓滿之智即圓教之極致故曰究竟即佛。黃鐵華史中

(丁)天台宗之教判

天台宗以法華為骨幹大智度論為指南大涅槃為解釋大品般若經為觀心之法而一心三觀為經十界三千諸法為緯乃將釋迦一代之教隨說法之差別分為五時八教

(一)五時

第一華嚴時 佛初成正覺三七日間為法身大士等說大乘解脫法門謂之華嚴時

第二阿含時 對不堪受法華大法者於此十二年間為方便引誘以小乘設教為說四阿含以明生滅四諦十二因緣等法謂之阿含時

第三方便時 於說阿含後八年間以眾機漸勝可由阿羅漢道而進於菩

薩道為說維摩楞伽金光明等經彈偏斥小歎大褒圓謂之方等時

第四般若時 於說方等後二十二年間欲大小各別之融通以空慧水諸

法皆空之理蕩滌情執說摩訶般若金剛般若等經謂之般若時

第五法華涅槃時 法華說權實之妙法涅槃說迷妄之因果度生死之橫

流眾機已熟更於八年間說法華為法華時卻後三月將臨滅度之一日一

夜說涅槃經為涅槃時

(二) 八教 分化儀四教與化法四教

(甲) 化儀四教 1. 頓教以大乘利根之機說華嚴頓入之教法 2. 漸教以

大乘鈍根之機說阿含方等般若漸進之教 3. 秘密教用頓用漸依人

而設互不相知 4. 不定教說頓說漸彼此互知

(乙) 化法四教

1. 藏教 即小乘教之別稱示生滅四諦十二因緣六度二諦

2. 通教 即通於聲聞緣覺菩薩三乘之教法說無生四諦

3. 別教 即別於聲聞緣覺二乘獨指菩薩之教法

4. 圓教 謂之界外事教二乘不顧一切圓融之中道實相

為最上之一乘教法謂之界外理教

按天台宗根據慧觀之五時說并斟酌光統律師之四教而後自軌五教法重六教而成其四教由大乘而來故設大乘通教大乘別教而有藏通別之區分更綜合法華涅槃而設為圓教此藏通別圖之次別與光統律師之因緣假名誑相常宗四者相通

又按天台宗之教判以藏教為小乘通教由小乘入大乘別教純大乘圓教則大乘極致於藏通別圖之中分兼但對帶四種一華嚴非真圓教須兼說別教故曰兼二鹿苑為阿含純屬小乘故曰但三方等乃由小乘入大乘故曰對四般若以圓教為主而又不脫方等故曰帶

(戊)天台宗山家山外之爭

自唐武宗會昌毀佛之後天台宗之教籍散失其遺留者真偽難判加之講習教義中絕正統之承傳不明故各逞所見清竦之後義寂一派以天台宗觀心之說為妄心觀志因一派則謂之真心觀蓋山外派要區別真妄分別事理與山家派之隨緣觀心之說不同而爭端以起計其所爭約分四種

一金光明玄義版本之爭當唐元宗時荆溪湛然與華嚴宗清涼澄觀爭論均用起信論解釋兩家教義荆溪分不變真如與隨緣真如區別事理藉以解釋天台宗一念三千之義其說本為對抗華嚴而設荆溪弟子道邃行滿傳其說

於日本最澄至義寂時台宗經典自高麗日本取回金光明玄義有廣略二本
廣本乃知禮師高麗寶雲義通所傳知禮並著有金光明經文句記及玄義拾
遺記而志因弟子晤恩指寶雲所傳廣本金光明玄義有十法觀心乃後人偽
作著發揮記專釋略本志因原主真心觀晤恩又繼之晤恩弟子奉先源清及
靈光洪敏諸人亦著難辭二十條以張師說山家派則以廣本為智者親撰知
禮同門有寶山信善者請知禮作釋難扶宗記以駁之於是洪敏又著金光明
玄義記孤山智圓作表微記及索隱記知禮對之又作拾遺記以明寶雲之傳
為不誤智圓慶昭二人又作辨訛答之智禮又出問疑書昭慶對之作答疑書
知禮更作詰難書慶昭又述五義書以應之知禮又作問疑書詰之然經一年
慶昭不答知禮更作覆問書促其答覆慶昭於是作釋難書知禮最後造十義
書二卷觀心二百問以破山外之說往復辨難五次時經七載

二十不二門之爭真心妄心之說志因爭之於前繼之奉先源清對於荆溪
所著之妙玄釋籤中之十不二門作示珠指二卷倡真心觀之說國清宗昱弟子系出山家議同山外故亦作十不二門註二卷以附之知禮乃作十不二
門指要鈔主張別理隨緣義以對之而山外派之永嘉繼齊作指盪以難之主
張真如不變隨緣是台宗圓教之理別理宜有隨緣乎知禮乃作別理隨緣二

十問及反駁天台元穎復作微決助繼齊尋嘉禾子玄亦作隨緣撲助元穎時
淨覺仁岳居知禮座下作十門折難總論破之盡力以助知禮闢山外之異義
後仁岳與廣智尚賢就妙宗鈔辨觀心觀佛義求決於知禮知禮示以約心觀
佛之談仁岳不悅而去既而作三身壽量解并別立難辭知禮乃作十三料簡
以斥之仁岳作十諫書上知禮知禮見說不合天台教義復作解謗以辨其妄
仁岳又作雪謗答之時知禮疾篤不復辨太息而寂其後知禮弟子廣慈慧才
之法嗣妙晤希最對雪謗作評謗以辨之仁岳見之曰四明之說其遂行乎又
有知禮弟子廣智尚賢法裔神智從義著四教儀集解及止觀義例纂要等書
明山外義破知禮說其同門之草堂靈元作止觀義例隨釋指斥其非發揮山
家之祖說仁岳從義世稱後山外派
三圓教之爭山家派以平等即差別而萬有平等互相圓融無礙蓋心佛眾生
表而雖有差別究皆互具三千之法即空即假即中三諦圓融山外派則云三
法中心是理為創造之總體佛與眾生是事為心所造之別相理者總體事者
別相故理具三千而事不具三千與華嚴宗教義相近山家派指謂未得純粹
之圓教

四一念三千之爭山外派謂空中二諦屬理是平等假諦屬事是差別乃依無

明之緣所起之假相三千諸法即指假諦而言而此三千差別之假相皆一心所現故心為本、色為末、心具三千、色不具三千、山家謂心色一體、心具三千、色亦具三千、心佛眾生三法皆屬理、皆能造相、而駁山外之說為不當

第三目 三論宗

甲 傳授系統

龍樹著中觀論十二門論其弟子提婆又著百論鳩摩羅什為提婆三傳弟子姚秦弘始三年至長安與僧肇等譯中論百論十二門論即三論宗所本者也羅什之後承其學者為僧肇高僧傳卷二

僧肇長安人、傭書為業、志好玄微、每以老莊為心要、讀舊譯維摩經歡喜頂受因此出家、善方等兼通三藏、鳩摩羅什來姑臧肇自遠從之、及什適長安肇亦隨入、與僧叡等入逍遙園、助什詳定經論、肇後著不真空論物不遷論維摩經法華不真空論為三論宗之淵源高僧傳卷六傳其學者為僧朗

僧朗遼東高麗人、入關學羅什、僧肇之教義、後來江南、住鍾山草堂、自宋朝以來三論相承、其師非一、並稟羅什、但年代淹久、文疏零落、至齊江南盛弘成實河北偏尚毘曇、於時高麗僧朗於齊建武間來至江南、難成實師、結舌無對、因茲自弘三論周顯法華玄義卷十九朗法度弟子凡經律皆能講說、華嚴三論最所命家

高僧傳 傳其學者為餘杭方顯寺僧詮

僧詮觀受梁武帝命往鍾山就僧朗學三論學成住攝山止觀寺周顯法華玄義釋義十九

初僧詮受業朗公玄旨所明惟存中觀自非心會析理何能契此清言而頓述

幽林禪味相得續高僧傳先是羅什門下學者多兼習他經傳至僧詮法朗則專

注王論故僧詮以前稱關河舊說以後稱三論新說其弟子有興皇寺法朗長

干寺智辯禪衆寺慧勇棲霞寺慧布四人續高僧傳

法朗徐州沛郡沛人出家就量良耶舍弟子大明寺僧寶誌受禪法兼聽大明

寺衆律師講律本文後慕龍樹之學風更從僧詮受智度中百十二門諸論陳

永定二年奉敕住揚都興皇寺二十年來講四論及華嚴大品等各二十餘遍

發揮往哲未談之秘奧法輪之妙獨步當時大建十三年寂弟子有吉藏法安

等二十五人中國佛教史

吉藏隋開皇時人先祖安息父居建康藏生七歲即投法朗出家陳亡藏避往

越州會稽嘉祥寺遂稱嘉祥大師云卒於唐武德元年吉藏承法朗之學言以

不住為端心以無言為主以心著是累根因執著故起決定分別定分別則生

煩惱煩惱因緣即便起業業因緣故則受生老病死之苦著心堅固苦根轉深

無由解脫欲令弘經利人及行道自行勿起著心節錄勝鬘經卷上吉藏三論宗義與

前稍異世稱吉藏之前曰古三論又曰北地三論吉藏以後曰新三論又曰南地三論中國佛

吉藏在浙著書講道為此宗極盛時代嘉祥大師歿後有法朗再傳弟子法敏住越州靜林寺亦能紹述先志不墜宗風法敏卒於貞觀十九年時玄奘三藏歸國大譯梵策門外諸賢皆治唯識一時海內風靡同時天台及禪宗相繼盛行而般若性空之旨又為諸宗所併此宗遂名存實亡至清末石埭楊仁山提倡刻經嘉祥中論百論及十二門論始由日本取回翻譯再傳中土近錢唐張尔田八不十門釋義一卷自後學者及得窺見三論之旨矣

(乙) 三論宗之教義

三論宗本中觀論而破大小二乘之迷通於大小兩教依十二門論而破大乘之妄執以顯大乘之真諦據百論而破世間及出世間之邪以顯一切之正故其教義有下三種

一破邪顯正 大乘玄論云有得是邪無得是正破邪者破有所得顯正者顯無所得大乘玄論卷五破邪則極沉淪顯正則上弘大法若人心存內外情寄大小即墮入偏邪失却正理正理既失則正觀不生正觀不生則斷常不滅斷常不滅則苦輪常轉內外俱泯大小並寂始名正理能悟正理則生正觀正觀若生則我

論斯滅矣故破邪之外別無顯正也

(二) 真俗二諦 中論云諸佛依二諦為眾生說法一以世俗諦二第一義諦凡諸法由因緣所起而有者曰俗諦說世界一切畢竟是空者曰真諦有者假有非定有空者假空非定空遠離空有二邊故曰色即是空空即是色

(三) 不中道 中論云不生亦不滅不常亦不斷不一亦不異不來亦不出能說是因緣善滅諸戲論我稽首禮佛諸說中第一蓋龍樹以成實執空毘曇執有皆未斷障乃造論破空有離二邊見而申大乘中道之義

(丙) 三論宗之教判

(一) 二藏

1. 聲聞藏 即小乘

2. 菩薩藏 即大乘

(二) 三論

1. 根本法輪 華嚴經為菩薩說法

2. 枝末法輪 自華嚴後法華前一切大小乘經為

3. 攝末歸本法輪 法華經大緣既熟會彼三乘

第四目 華嚴宗

(甲) 傳授系統

華嚴為世親學說撰華嚴法界玄門所載以萬法緣起於一心而仍為一心所

統攝與龍樹所謂一切萬有皆因緣所成而非實在之說異學者稱華嚴為有
宗先是廬山慧遠之弟子支法碩於于闐獲華嚴梵本未經宣譯有佛陀跋陀
羅者北天竺迦維羅衛人於義熙二年至長安旋與弟子慧觀等四十餘人飄
然而南下渡江至廬山慧遠迎之後遷建康居道場寺義熙十四年應吳郡內史
孟觀之請於道場寺譯大方廣佛華嚴經宋永初二年譯成同譯者有沙門法
業慧義慧嚴慧觀等百餘人經凡六十卷通稱晉譯華嚴又稱六十華嚴是也
高僧傳卷二佛祖統記卷十六佛祖通載卷八出三藏記集卷二

六十華嚴譯出後傳其學者為慧光道憑靈裕彭淵智正或敷講或作章疏盛
弘斯學至以華嚴立宗者實為杜順

杜順世稱帝心尊者雍氏萬年杜陵人隋開皇十三年在終南山大張教網通
與智顗之創天台宗同時著華嚴法界觀門分觀法為真空觀理事無礙觀周
徧含容觀三種闡明事事無礙之幽致又著五教止觀十玄章等大暢玄旨為
華嚴宗一祖續高僧傳卷二十五華嚴經傳記弟子智儼光大師說作搜玄記
釋華嚴本經示教相觀行之方孔目章五十要問答釋華嚴之要義十玄門發
揮十玄六相之奧旨為華嚴宗第二祖同智儼弟子法藏依杜順之五教而作
頓圓五教依智儼之搜玄記而作探玄記依十玄門而作十玄緣起華嚴一宗

至法藏而大成後世稱法藏為智者大師而中華嚴宗曰智者大師法藏和尙傳
師之碑法界宗五祖藏及對玄奘派之三時教判又為武則天所尊信為華嚴

第三祖

賢首後復其弟子慧苑著續華嚴略疏刊定法界宗五祖略記與法藏之五
教章探玄記異義改五教為四教改十玄緣起為德相十玄其門下有錢唐天
竺寺法鑑於大曆中著刊定記台案釋華嚴至慧苑宗風不振肅宗時澄觀起
而正之華嚴賴以復興是為第四祖

澄觀越州山陰人從寶林寺霽禪師出家習法華經肅宗至德二年於山陰曇
一大師家受具戒乾元中赴潤州棲霞寺禮律師家學相部律又至金陵依法
師玄璧傳羅什三論大曆中於瓦官寺傳起信論及涅槃經又訪淮南之法藏
受海東起信論義疏尋回錢唐就天竺寺法鑑溫習華嚴大經大曆七年又往
剡溪從慧量再究三論十年至蘇州就湛然習摩訶止觀法華維摩等經疏又
謁牛頭山惟忠徑山道欽洛陽無名咨決南宗禪法更見慧雲了北宗玄理因
思五地聖人心証真如備後起得智應解世間遂復習經傳子史小學蒼雅天
竺悉曇諸部異執四圍五明秘呪儀軌至於篇頌華語書蹤一皆綜博大曆十
一年北游五台巡禮諸寺尋往峨嵋備觀聖像復還五台居大華嚴寺專行方